



錦繡萬花谷續集卷之二十六

類姓

周

**真將軍**周亞夫勃之子封條侯為將軍軍細柳文帝勞軍至細柳曰此真將軍也緩急真可任前漢史

**期期不奉詔**周昌從兄曰周苛苛為御史大夫昌為中尉後為御史大夫封汾陰侯高帝欲易太子昌諫口吃曰陛下欲易太子臣期期不奉詔

**五經縱橫**周舉姿貌短陋而博學洽聞為儒者所宗京師語曰五經縱橫周宣光舉茂才為平丘令上書言得失辭甚切正拜尚書名重朝廷左右憚之遷諫議大夫又遷侍中與八使巡行天下號曰八駿後漢史舉字宣光

**賣菜傭**周紆拜洛陽令下車先問大姓主名吏數閭里豪強以對紆厲聲怒曰本問貴戚輩豈能知此賣菜傭乎貴戚跼踖京師肅清後爲御史中丞酷吏傳

**妻犯齋**周澤拜太常清潔循行盡敬宗廟嘗臥疾齋宮妻問之澤大怒以妻于犯齋禁收送詔獄謝罪時人語曰生世不諧作太常妻一歲三百六十日三百五十九日齋一日不齋醉如泥

**萬人之英**周瑜字公瑾年二十四吳中皆呼爲周郎敗魏師八十萬於赤壁性度恢廓程普曰與公瑾交若飲醇醪不覺自醉文武籌畧萬人之英少精意音樂謠曰曲有誤周郎顧建獨斷之明出衆人之表吳志

**三日僕射**周顛字伯仁少有重名神彩秀徹賁嵩見之歎曰汝穎固多可士拜祕書郎累遷尚書吏部郎後轉尚書左僕射顛初以雅望獲海內盛名後頗以酒失爲僕射畧無醒日號爲三日僕射王導嘗指其腹答曰此中空洞無物然足容卿輩數百人殺諸賊奴取金印如斗大後爲王敦所害王導曰吾雖不殺伯仁伯仁由我而死幽冥之中負此良友晉史

**望塵知敵數**周德威爲人勇而多智能望塵以知敵數其狀貌雄偉笑不改容人見之凜如也後破夾城拜振武節度使五代史

**獻汴都賦**周邦彥字美成性落魄不羈涉獵經史元豐中獻汴京賦神宗異之自諸生命爲太學正紹聖中除祕書省正字後爲校書郎遷衛尉卿出知隆德府召爲

秘書監擢微猷閣待制提舉大晟府未幾知真定改順昌府提舉洞霄宮邦彥能文章世特傳其詞調

丘

終身祭酒不恨丘靈鞠少好學善屬文楮顏回曰此郡才士惟有丘靈鞠仕梁領東觀祭酒曰人居官願數遷使我終身為祭酒不恨也在宋時文名甚盛南史

寬厚著名丘和歷資梁蒲三州刺史以寬厚著名善撫吏士得其心

斲石為人馬丘行恭有力善騎射聚兵保郿城人多依之盜不敢窺境累從戰功多錫勞甚厚所守嚴烈僚吏畏之太宗常思其功初討王世充流矢著太宗馬行恭回射之發無虛鏃賊不敢前遂下拔箭以已馬進太宗

執長刀大呼斬數人突陣而還貞觀中詔斲石為人馬象拔箭狀立昭陵闕前以旌武功金唐史

鄒

長裾曳王門鄒陽齊人獄中上梁孝王書王使人出之卒為上客太史公曰鄒陽辭雖不遜然其比物連類有足悲者亦可謂抗直不撓矣文辯著名長裾曳王門獄中書云明月之珠夜光之璧以闇投人於道莫不按劍相盼者無因至前也

盛夏降霜鄒衍事燕惠王左右譖之被繫于獄仰天而哭盛夏為之降霜金史記

草表還親側鄒浩舉進士召對除右正言後遷司諫改起居舍人歷吏部兵部侍郎以寶文閣待制知江寧府

改杭越二州大觀元年復直龍圖閣自草表還親側凡六年而卒

**擢進士第一**鄒應龍字景初邵武泰寧人紹熙丙辰擢進士第一人

樓

**五侯上客**樓護結士大夫無所不傾為人短小精辯議論常依名節聽之者皆竦與谷永俱為五侯上客長安號曰谷子重筆扎樓君輕唇舌後方正為諫大夫使郡國奏事稱意前漢史

**操節清白**樓望習嚴氏春秋操節清白有稱鄉閭教授不倦世稱儒宗永平初為侍中入講省內後儒林傳

游

**刺史有惠政**游雅字伯度太武時知名徵拜中書博士出為雍州刺史在任廉白甚有惠政

**立像設祠**游酢字定夫建州建陽人初受業於程顥顥知扶溝縣以道學為已任酢為掌其事由是問學益進又事程頤頤器之舉進士為蕭山尉除博士僉判泉州召為監察御史尋知河州又知濮陽軍歷舒濠二州寓居歷陽卒陳正同知建寧因立像設祠於學而屬晦菴朱公記其事曰先生遠矣學者登是堂而拜其像於是記也考其師友之淵源退訪其書而讀之於以求先生之所以學者果惡乎在幸而心自得之則亦無以異乎親而炙之矣

牛

對策第一牛僧孺隋僕射竒章沿弘之裔幼孤下杜樊鄉有賜田數頃依以為生工屬文第進士元和初以賢良方正對策第一條指失政其言颯訐不避宰相宰相怒故楊於陵鄭敬韋貫之李益等坐考非其宜皆謫去侯

刻石紀功侯君集以材雄稱破吐谷渾進吏部尚書君集本以行伍奮不知學後貴益自喜好書及典選分明課最有譽於時高昌不臣拜交河道行軍大總管出討因拔其城俘男女七千進圍都城乃降高昌平君集刻石紀功還

穿壙作家侯知道居親喪穿壙作家皆身執其勞李華作贊表其行並唐史

牟

以尚書教授牟融以尚書教授門徒數百人以茂才為豐令縣無獄訟為州郡最為司隸多舉正百僚敬憚之後為司徒舉動方重甚得大臣節後漢史

任

對魏文侯魏文侯問士大夫曰寡人何如君也羣臣皆曰君仁君也翟璜曰君非仁君文侯怒而逐璜至任座曰君仁君也曰子何以言之對曰臣聞其君仁者其臣直翟璜之言直是以知君仁君也文侯曰善復召璜入拜為上卿新序

元龜指南任昉拜太學博士王儉見其文必三復殷勤以為當時無輩仕梁官至祕書監為新安太守不事邊

幅爲政清省好獎進士友得其延譽者多見升擢時人慕之號曰任君及卒殷芸曰哲人云亡儀表長謝元龜何寄指南何託南史

**司文侍郎**任孝恭讀書一遍諷誦畧無所遺掌公家筆

翰爲司文侍郎文學傳

**願爲一介使**任瓌早孤伯忠撫愛甚每曰吾子雖多庸保耳所以寄門戶者瓌也義師起瓌至龍門請見高祖曰公將家子智筭練達論吾此舉濟事乎瓌曰願爲一介使入關宣布威靈以收佐輔高祖曰是吾心也以瓌爲招慰大使高祖謂演壽曰閫外事與任瓌籌之以功封管國公唐史

**仁者之勇**任圜爲人明敏善談辯李嗣昭節度昭義辟

圜觀察支使梁兵圍潞州嗣昭危甚問圜去就之計圜勸嗣昭堅守以待不可有二心已而莊宗攻破梁聞圜爲嗣昭書守計甚嘉之由是益知名嗣昭從莊宗戰胡柳擊敗梁兵圜頗有功莊宗勞之曰儒士亦破體邪仁者之勇何其壯也五代史

**郡人作菴**任伋字師中慶曆六年賈黯榜登第東坡謂之小任嘗爲齊安令其民愛之因買田以居通判黃州郡人德之爲作師中菴任公亭蘇轍作師中菴記陰

**輔導東宮**陰識光烈皇后之母兄其先出管仲七世孫修自齊適楚爲陰大夫因而氏焉光武特遷侍中後守執金吾輔導東宮常留鎮守京師帝敬重之常指識以

勅戒貴戚激厲左右

**傳龜襲紫**陰興識之弟為黃門侍郎甚見親信拜衛尉

輔導太子顯宗詔曰興輔導朕躬有周昌之直在家仁

孝有曾閔之行以其子慶為銅陽侯恂恂苗胤傳龜襲

**紫** 並後漢史

**竈神見**宣帝時陰子方者臘日晨炊而竈神形見家有

黃羊封以祀之自是暴至巨富有田七百餘頃

錦繡萬花谷續集卷之二十六

錦繡萬花谷續集卷之二十七

類姓

岑

**冒突露橈**岑彭字君然拜刺姦大將軍督察衆營遷征

南大將軍裝直進樓船冒突露橈數千艘以攻公孫述

首破荆門長驅武陽持軍整齊秋毫無犯蜀人為立廟

武陽

**輿人歌**岑熙彭之玄孫為魏郡太守招聘隱逸與參政

事無為而化視事二年輿人歌曰我有枳棘岑君伐之

我有蠹賊岑君遏之狗吠不驚足下生鼈含脯鼓腹焉

知凶災我喜我生猶丁斯時美哉岑君於戲體茲並後漢史

郡中謠岑暉字公孝有幹國器雖在閭里悵然有董正



天下之志太守成瑨請為功曹郡中謠曰南陽太守岑公孝弘農成瑨但坐嘯後黨錮傳

**奏籍田三元頌**岑文本字景仁父之象坐訟不得申文  
本年十四詣司隸理冤辯對哀暢無所詘眾命作蓮華  
賦文成合臺嗟賞遂直性沈敏有姿儀善文辭除祕書  
郎太宗既籍田又元日朝羣臣文本奏籍田三元頌二  
篇文致華贍擢中書舍人時顏師古為侍郎詔誥皆所  
草定及得文本號善職而敏速過之唐史

金

**忠孝節**金日磾本降虜累遷光祿大夫既親近未嘗  
有過失毋教誨兩子甚有法度日磾著忠孝節自在左  
目不忤視者數十年自輔少主封秬侯兩子賞建俱

侍中第倫倫子安上前漢史

**七世內侍**金安上少為侍中惇篤有智子敞為侍中為  
人正直敢犯顏色左右憚之子涉為侍中明經節儉諸  
儒稱之從父第欽舉明經為京兆尹帝選置師友平孔  
光以欽家世忠孝為金氏友贊曰日磾以篤敬寤主忠  
信自著世名忠孝七世內侍

林

**高隱處士**林敏功治春秋年十六預鄉薦下第歸歎曰  
軒冕富貴非吾所樂杜門不出者二十年該通六經貫  
穿百氏尤長於詩張天覺徐擇之來守是邦皆尊禮之  
政和間郡守林震謂同僚曰吾宗有隱君子旬日一出  
郊見之震還朝舉其隱德賜號高隱處士視朝散大夫

旌表門閭有詩文千餘篇名松坡集

**和靖先生**

林逋少孤立志爲學結廬西湖小孤山喜爲詩孤峭澄澹居西湖二十年足未嘗履城市李及薛映爲州每造其居清談終日而去逋臨終有詩云湖上青山對結廬墳前脩竹亦蕭疎茂陵他日求遺草猶喜曾無封禪書卒賜諡曰和靖先生

**嚴**

厭承明勞侍從嚴助舉賢良對策百餘人武帝善助對擢爲中大夫侍燕從容上問助居鄉里時對曰家貧爲吏胥所辱願爲會稽太守於是拜爲會稽太守厭承明之廬勞侍從之事懷故土出爲郡吏願奉三年計最上書言世務嚴安上書言世務上召見謂曰公安在何

相見之晚也拜爲郎中並前漢史

顓門教授嚴彭祖顓門教授公羊春秋有嚴氏之學爲太子太傅廉直不事權貴或說曰君以不修小禮曲意亡貴人左右之助經誼雖高不至宰相願少自勉彊答曰凡通經術固當修行先王之道何可委曲從俗苟求富貴乎前儒林傳

省伯嚴延年少學法律舉侍御史朝廷肅焉敬憚位爲涿郡太守吏皆股弁道不拾遺遷河南太守務在摧折豪強扶助貧弱河南號曰屠伯母責其治郡不仁兄弟五人皆有吏材至大官東海號其母曰萬石嚴嫗酷吏傳披羊裘釣澤中嚴光字子陵與光武同遊學光武即位物色訪之後齊國上言有一男子披羊裘釣澤中帝遣

使聘之三反而後至侯霸與光素舊遣使奉書光不答  
乃口授曰君房足下位至鼎足甚善懷仁輔義天下悅  
阿諛順旨要領絕帝因共偃臥光以足加帝腹上明日  
太史奏客星犯帝座除諫議大夫不屈乃耕於富春山  
後人名其釣處為嚴陵瀨後本傳

**真嚴挺之子**嚴武字季鷹挺之子幼豪爽母裴不為挺  
之所答獨厚其妾英武始八歲奮然以鐵鎚就英寢碎  
其首左右驚白挺之曰郎戲殺英辭曰安有大臣厚妾  
而薄妻者兒故殺之非戲也父奇之曰真嚴挺之子敕  
**武讀書**唐本傳

廉

**上卿廉頗**趙之良將也破齊拜為上卿以勇氣聞於諸

侯有攻城野戰之大功肉袒負荆謝罪於藺相如史記

南

**三復白圭**南容邦有道不廢邦無道免於刑戮又曰南  
容三復白圭孔子以其兄之子妻之論語

**善騎射**南霽雲少微賤張巡被安祿山圍募萬死一生  
者數日無敢應俄有暗鳴而來乃霽雲也善騎射見賊  
百步內乃發無不應弦斃

閻

**家粟賑貧窮**閻慶胤為敷城太守頻年饑儉歲常以家  
粟千石賑恤貧窮人賴以濟部下千餘人申誦美政  
**馳譽丹青**閻立本總章元年拜右相初太宗與侍臣泛  
舟春苑池見異鳥容與波上悅之詔坐者賦詩而召立

本侔狀閣外傳呼畫師閭立本是時已為主爵郎中俯伏池左研吮丹粉望坐者羞悵流汗歸戒其子曰吾少讀書文辭不減儕輩今獨以畫見名與厮役等若曹慎毋習然性所好雖被訾屈亦不能罷也既輔政但以應務俗材無宰相器時姜恪以戰功擢左相故時人有左相宣威沙漠右相馳譽丹青之嘲並唐史

甘

**年少出奇計**甘羅甘茂之孫也年十二事秦相呂不韋不韋言於始皇曰甘羅年少耳然名家之子孫諸侯皆聞之秦以為上卿太史公曰甘茂起下蔡閭閻顯名諸侯重強齊楚甘羅年少然出一奇計聲稱後世雖非篤行之君子然亦戰國之策士也史記

**投石拔距**甘延壽字君况少以良家子善騎射為羽林投石拔距絕於等倫以材力愛華斬郅支單于封義成侯前漢史

**江表虎臣**甘寧開爽有計畧拜折衝將軍建方畧以擒黃祖破曹公於烏林攻曹仁於南郡江表之虎臣也吳志

譚

**四世同居**

譚弘寶四世同居詔表門閭蠲租稅

南史孝義傳

**詞學兼茂**譚世勤舉進士又中詞學兼茂科為徽猷閣待制知婺州未行復留是歲彗出東方大臣云此夷狄將哀非中國憂也世勤面奏垂象可畏當修德應天不宜惑諛說遷給事中

詹

進士第一詹駉字晉卿淳熙乙未擢進士第一人

錦繡萬花谷續集卷之二十七

錦繡萬花谷續集卷之二十八

類姓

董

**良史**左宣公二年孔子曰董狐古之良史也書法不隱

**參龍**昭公二十九年蔡墨曰昔董父甚好龍龍多歸之

乃擾畜龍以服事帝舜賜姓曰董氏參龍

**枹鼓不鳴**董宣為洛陽令搏擊豪強莫不震懾京師號

為卧虎歌曰枹鼓不鳴董少平光武勅曰強項令後漢

平字少

孔

**明德必有達人**孟僖子曰吾聞將有達者曰孔丘其祖

弗父何以有宋而授厲公及正考父佐戴武宣三命茲

益恭故其鼎銘曰一命而僂再命而偃二命而俯其恭也如是臧孫紇有言聖人有明德者若不當世其後必有達人今其將在孔丘乎左昭七年

**古文尚書**孔氏有古文尚書孔安國以今文字讀之因以起其家

**賜靈壽杖**孔光字子夏經學尤明舉方正為諫大夫兄弟妻子燕語不及朝省政事或問温室省中樹皆何木光默不應答以他語賜靈壽杖歸老于第凡為御史大夫丞相各再居公輔位前後十七年並前漢史

**立學校表儒術**孔融字文舉十歲見李膺語門者曰我是李君通家子弟膺問之融曰先君孔子與君先人李老君同德比義而相師友則融與君累世通家為北海

相立學校表顯儒術雖一介之善莫不加禮坐上客常滿樽中酒不空薦達賢士多所獎進海內英俊皆信服之後漢史

**聖者子孫**孔僖魯人帝幸魯祠孔子於闕里及七十二弟子作六代之樂大會孔氏男子二十以上者六十二人帝謂孔僖曰今日之會寧於卿宗有光榮乎對曰云云至於光榮非所敢承帝大笑曰非聖者子孫焉有斯言乎拜僖郎中

**以儒素顯**孔安國字安國以儒素顯歷尚書左右僕射

晉史

**神君**孔奐字休文仕梁除晉陵太守清白自守秩俸分贍孤寡號曰神君南史

撰五經正義孔穎達八歲就學誦記日千餘言闇記三禮義宗善屬文通步曆大業初舉明經高第煬帝召天下儒官集東都詔國子祕書學士與論議穎達為冠又年最少老師儒耻出於其下初與顏師古撰五經義訓凡百餘篇詔改為正義云

持笏碎蛇首皇明孔道輔孔子四十五世孫舉進士為寧州推官道士治真武像有蛇穿其前郡將帥其屬往奠拜之道輔持笏碎蛇首而去一郡皆驚使契丹虜主酌以大卮曰天寒飲此可以致和氣道輔曰不和固無害除右諫議大夫御史中丞

父子兄弟齊名孔平仲舉進士徽宗即位召為戶部外郎出使陝西帥鄜延環慶皇朝以文章名世父子

兄弟齊名者甚衆若三蘇三劉三沈三孔則其章章尤著者也

鞏

甸內侯左傳周卿士鞏簡公甸內侯也晉有鞏朔漢有侍中鞏攸陽翟皇戶部郎中鞏弘武

項

八歲服孔子左傳云滅項公羊曰為齊桓公所滅子孫以國為姓項託八歲服孔子項燕下相人為楚將子梁梁兄子籍號西楚霸王項他項伯項襄並籍之族漢初並封賜姓劉氏

史

直哉如矢論語曰直哉史魚邦有道如矢邦無道如矢

晉多君子史趙曰亥有二首六身下二如身是其日數也魯使者在晉歸語季武子曰晉未可媮也有趙孟以爲大夫有史趙師曠而咨度焉其多君子也左襄公三十年趙鞅卜救鄭晉趙鞅卜救鄭占諸史趙史墨史龜史龜曰是謂沈陽可以興兵利以伐姜左哀公九年活千餘人史弼字公謙出爲平原相詔書下舉鈞黨弼獨無所上濟活者千餘人遷河東太守被詔當舉孝廉知多權貴請託迺豫勅斷絕書屬後漢史好讀兵書史萬歲少英武驍健若飛好讀兵書在隋以平尉遲迥之功拜上大將軍前後七百餘戰轉鬪千里破諸夷三十餘部於是勒石頌美餘德北史

紀

兄弟齊名者甚衆若三蘇三劉三沈三孔則其章章尤著者也

鞏

甸內侯左傳周卿士鞏簡公甸內侯也晉有鞏朔漢有侍中鞏攸陽翟皇后部郎中鞏弘武

項

八歲服孔子左傳云滅項公羊曰爲齊桓公所滅子孫以國爲姓項託八歲服孔子項燕下相人爲楚將子梁梁兄子籍號西楚霸王項他項伯項襄並籍之族漢初並封賜姓劉氏

史

直哉如矢論語曰直哉史魚邦有道如矢邦無道如矢





原件短缺

晉多君子史趙曰亥有二首六身下二如身是其日數也魯使者在晉歸語季武子曰晉未可媮也有趙孟以爲大夫有史趙師曠而咨度焉其多君子也左襄公三十年

趙鞅卜救鄭晉趙鞅卜救鄭占諸史史趙史墨史龜史龜曰是謂沈陽可以興兵利以伐姜左哀公九年

活千餘人史弼字公謙出爲平原相詔書下舉鈞黨弼獨無所上濟活者千餘人遷河東太守被詔當舉孝廉

知多權貴請託迺豫勅斷絕書屬後漢史

好讀兵書史萬歲少英武驍健若飛好讀兵書在隋以

平尉遲迴之功拜上大將軍前後七百餘戰轉闔千里破諸夷三十餘部於是勒石頌美餘德北史

紀

學帝王之術李斯楚上蔡人也從荀卿學帝王之術西

說秦王以爲丞相下禁書之令並史記

飛將軍李廣隴西成紀人才氣天下無雙文帝曰惜廣

不逢時令高祖世萬戶侯豈足道哉廣行無部位行陣人人自便不擊刁斗莫府省約文書匈奴號曰飛將軍

結髮與匈奴大小七十餘戰以石爲虎射之没矢太史

公曰李將軍悛悛如鄙人口不能道辭及死之日天下知與不知皆爲盡哀諺曰桃李不言下自成蹊史記

協律都尉李延年女弟得幸號李夫人延年善歌爲新

變聲爲協律都尉前後幸傳

有國士風李陵字少卿所將皆荆楚勇士奇材劔客力

拒虎射命中願得自當一隊持步卒五千深操戎馬之

地矢盡而降司馬遷以爲有國士之風雖古名將不過也前本傳

**可與語孫吳**李靖字藥師嘗謂所親曰丈夫遭遇要當以功名取富貴何至作章句儒其舅韓擒虎每與論兵輒嘆曰可與語孫吳者非斯人尚誰哉唐史

**賢長城**李勣字懋功本姓徐氏高陽賜姓附屬籍治并州十六年以威肅聞帝嘗曰煬帝不擇人守邊勞中國築長城以備虜今我遣勣守并突厥不敢南賢長城遠矣勣既忠力帝謂可托大事嘗暴疾醫曰用鬚灰可治帝乃自剪鬚以和藥及愈入謝頓首流血帝曰吾爲社稷計何謝爲後留宴顧曰朕思屬幼孤無易公者公昔不遺李密豈負朕哉太宗時畫象凌煙閣帝自序之

**一言訂千金**李大亮有文武才畧高祖入關大亮自歸授土門令擢金州司馬貞觀初嘗有臺使見名鷹諷大亮獻之大亮密表曰陛下絕畋獵久矣而使若求鷹信陛下意耶乃乖昔旨如其擅求是使非其才太宗報書曰有臣如此朕何憂古人以一言之重訂千金今賜胡瓶一維亡千鎰乃朕所自御又賜荀悅漢紀曰悅議論深博極爲政之體公宜繹味之

**三世掌制誥**李安期百藥子也亦七歲能屬文對高宗曰比見公卿有所薦進皆劾爲明黨所以人人爭噤嘿以避謗若陛下忘其親讐惟才是用誰敢不竭忠以聞數預決國事自德林至安期三世皆掌制誥

**景星鳳凰**李渤刻志於學隱廬山久之徙少室元和初

李巽韋况交章薦之詔以右拾遺召渤謝不拜洛陽令韓愈遺書曰朝廷士引頸東望若景星鳳凰爭先親之為快渤心善其言

**夢人遺雙筆**李嶠字巨山為兒時夢人遺雙筆自是有文辭十五通經二十擢進士第舉制策甲科後遷給事中再召為鳳閣舍人

**判不可移**李元紘本姓丙氏賜姓李氏為雍州司戶時太平公主勢震天下嘗與民競碾碓元紘還之民長史驚趣改之元紘大署判後曰南山可移判不可移

**為宗臣表**李勉少貧與諸生共逆旅諸生疾死出白金曰左右無知者幸君以此為葬餘則取之勉諾既葬密置金棺下後其家謁勉共啓出金付之所得俸賜盡資

親黨在朝鯁亮廉介為宗臣表拜嶺南節度使加平章事

**戰功第一**李光弼嚴毅沈果有大略寶應元年進封臨淮郡王光弼用兵謀定而後戰能以少覆衆治師訓整天下服其威名軍中指顧諸將不敢仰視初與郭子儀齊名世稱李郭而戰功推為中興第一其代子儀朔方也營壘士卒麾幟無所更而光弼一號令之氣色乃益精明云

**時稱得人**李吉甫字洪憲自翰林學士為中書侍郎平章事吉甫謂裴垪曰朝廷後進罕所接識君有精鑒願悉為我言之垪取筆疏三十餘人數月之間選用略盡當時翕然稱吉甫為得人吉甫居安邑里

時號安邑李丞相

搜次君臣成敗李絳擢進士宏辭補渭南尉拜監察御史元和二年授翰林學士知制誥帝欲度幾二祖風烈絳曰陛下誠能正身勵已尊道德遠邪佞帝曰美哉斯言朕將書諸紳詔絳與白居易等搜次君臣成敗五十種爲連屏張便坐帝每閱視

上丹辰箴李德裕字文饒吉甫子也力學有大節以蔭補校書郎擢翰林學士凡號令大典冊皆更其手數召見賚獎優華潤州南方信幾祥雖父母厲疾子棄不敢養德裕諭以孝慈大倫之義帝數游幸德裕上丹辰六箴詔厚謝其意徙劍南西川乃建籌邊樓又請甲人曰人弩人分戍諸處率戶二百取一人使習戰緩則農急則戰謂之雄邊子弟總十一軍以制諸賊於是二邊寢

懼

文名天下李邕字泰和旣冠見李嶠自言讀書未徧願一見祕書嶠曰祕閣萬卷豈時日能習邪固請乃假之未幾辭去嶠驚試問奧篇隱帙了辨如響嶠薦爲內史拜侍御史帝封泰山還詔獻辭賦帝悅邕早有名重義入朝人間傳其眉目怪異至阡陌聚觀後生望風門巷填隘文名天下時稱李北海

竹溪六逸

李白字太白白之生母夢長庚星因以命之

十歲通詩書蘇頲異之謂學可比相如輕財重施好擊劍與孔巢父等居徂來山號竹溪六逸天寶初至長安賀知章見其文嘆曰子謫仙人也言於玄宗召見金鑾殿論當世事奏頌一篇帝賜食親爲調羹有詔供奉翰

林白與其徒醉于市帝坐沉香子亭意有所感欲得白為樂章召入白已醉使力士脫鞵力士耻之白驚放與知章等八人為酒八仙白浮游四方嘗乘月與崔宗之自采石至金陵著宮錦袍坐舟中旁若無人

**時政記進御**李昉字明遠太平興國元年除參知政事拜平章事太宗嘗語輔臣曰朕何如唐太宗皆曰陛下堯舜之主也何太宗之足云昉獨無言徐誦白居易詩云怨女三千放出宮死囚四百來歸獄太宗拱手曰朕不及也昉請復時政記先進御然後付史館時政記進御自昉始也皇朝

**舉進士第一**李迪少從柳開學為古文開曰此公輔器也舉進士第一除將作監丞通判徐州天禧元年拜給事中參知政事東宮建以迪為太子少傅後拜同平章事集賢殿大學士

**藏書山房**李常字公擇遷禮部侍郎後改兵部尚書出知鄧州徙成都府常少讀書於廬山五老峯白石菴之僧舍書幾萬卷常既貴思欲遺後之學者乃藏於山中時人目其居曰李氏藏書山房而蘇軾為記其事云  
**兄子妻之**李清臣少孤事母兄孝友自力學問韓琦以其兄之子妻之皇祐中舉進士治平中舉制科後以資政大學士知大名府

錦繡萬花谷續集卷之二十八

錦繡萬花谷續集卷之二十九

類姓

許

**月旦評**許劭少峻名節好人倫多所賞識與從兄靖俱有高名好共覈論人物每月輒更其品題故汝南俗有月旦評兄虔亦知名汝南人稱平輿淵有二龍後漢史

**孝順里**許孜親沒負土建墓號其居為孝順里旌表門

閭晉孝義傳

**神童**許善心多聞嘿識為當時所稱謂為神童任隋除祕書丞嘗製神雀頌文不加點筆不停毫

**詞旨得中和氣**許景先舉手筆俊拔擢茂才異等連中授侍御史抨按不避近強知制誥以雅厚稱張說曰許

舍人之文雖乏峻峯激流然詞旨豐美得中和之氣帝自擇刺史景先由吏部侍郎爲刺史治號州詔諸臣以上祖道洛濱賜詩遣之並北史

**舉進士第一**許將福州閩縣舉進士第一紹聖元年召爲吏部尚書

呂

**寧當父貧**呂範字子衡有容觀姿貌邑人劉氏家富女美範求之女母嫌欲勿與劉氏曰觀呂子衡寧當父貧者邪遂與之婚

**三居相位**呂蒙正字聖功舉進士第一初父黜其妻劉氏并棄蒙正劉氏誓不改適及蒙正莅官迎二親同堂異室奉養並至時稱其孝 國朝以來三居相位惟趙

普與蒙正拜司空兼門下侍郎咸平六年授太子太師封萊國公改封徐又封許洛中有園亭時會親舊環侍皆子孫間舉壽觴釋然自得真宗謁陵寢祠后土過洛兩幸其第當世榮之

**器識遠大**呂夷簡字坦夫擢進士又舉制科嘗通判通

濠二州往河北按行水災還奏曰今田器有等非所以

重本也請除之真宗納其言自是天下農器皆免筭時

王曾知制誥宰相王旦曰君識呂夷簡否曾曰不識也

旦曰此人器識遠大君其善交之異日當與君對秉鈞

軸曾曰公何以知之旦曰吾亦不識夷簡但以其奏請

得之曾曰奏請何事旦曰如不稅農器是以後拜司空

平章軍國事薨謚文靖



**三公平章軍國** 呂公著字晦叔宰相夷簡子也識慮深遠有度量夷簡嘗曰此子公輔器也任爲奉禮郎舉進士 哲宗即位拜右僕射兼中書侍郎司馬光薨公著獨總揆務除吏皆一時之選自宋興大臣以三公平章軍國者四人而二人則公著父子也

**一意古學** 呂希哲字原明公著子也少好學王安石謂之曰士未官而專科舉者爲貧也有官矣而復事科舉是僥幸富貴利達而已學者不由也希哲遂棄科舉一意古學公著薨既免喪除兵部員外郎崇政殿說書

**推廣祖宗家法** 呂大防京兆藍田人舉進士元祐初除尚書右丞俄拜中書侍郎三年拜左僕射兼門下侍郎哲宗朝因推廣祖宗家法以進云云陛下不須遠法前

代但盡行家法足以爲天下哲宗甚然之

褚

**皮裏陽秋** 褚裒字季野桓彝曰季野有皮裏陽秋言其外無臧否而內有所褒貶也謝安恒云裒雖不言而四時之氣亦備矣 晉史

**預十八學士** 褚亮字希明少警敏博見圖史一經自輒誌于心秦王授王府文學王每征伐亮在軍中嘗預祕謀有裨補之益預十八學士之選帝使爲之贊 唐史

**置笏殿階** 褚遂良字登善亮子貞觀中起居郎博涉文史工隸楷遷諫議大夫兼知起居事帝將立武昭儀遂良曰先帝疾執陛下手語臣曰我兒與婦付卿且德音在耳何遽忘之皇后無他過不可廢翌日復言帝羞默

遂良因致笏殿階叩頭流血曰還陛下笏丐歸田里  
**撰翼善記**褚無量字弘度刻意墳典擢明經玄宗為太  
子撰翼善記以進母喪廬墓群鹿犯所植松柏無量號  
訴曰山林不乏忍犯吾塋樹耶自是群鹿馴服不復觸  
並唐史

伍

**被為冠首**伍被楚人以材能稱為淮南中郎淮南王安  
招致英雋以百數被為冠首前漢史

錦繡萬花谷續集卷之二十九

錦繡萬花谷續集卷之三十

類姓

杜

**白虎殿對策**杜欽字子夏延年子目偏盲舉賢良方正  
直言上日蝕地震之對又詣白虎殿對策優游不仕以  
壽終

**王佐才**杜如晦字克明隋大業中預吏部選侍郎高孝  
基異之曰君當為棟梁用房元齡曰如晦王佐才也必  
欲經營四方捨如晦無共功者王曰非公言我幾失之  
因表留幕府從征伐常參帷幄機祕方多事裁處無留  
進尚書右僕射仍領選引賢者下不肖咸得其職當時  
浩然歸重唐史

一門三秀才杜正倫隋世舉秀才天下不十人而正倫一門三秀才皆擢第爲世歆美進中書侍郎與韋挺虞世南姚思廉論事稱旨太宗爲設宴具召四人者謂曰吾聞神龍可擾以馴然頷有逆鱗嬰之者死人君亦有之卿屬遂犯吾鱗裨闕失朕其何慮危亡哉思卿至意故命酒以相樂也

號小杜杜牧字牧之善屬文第進士復舉賢良方正拜殿中侍御史牧於詩情致豪邁人號爲小杜以別杜甫奏罷中人監軍杜黃裳擢進士第中宏辭郭子儀辟佐朔方府正元末遷太常卿王叔文用事黃裳未嘗過其門壻韋執誼輔政黃裳勸請太子監國執誼曰公始得一宮遽開口議禁中事黃裳怒曰吾受恩三朝豈以一

官見賣即拂衣去劉闢叛唯黃裳固勸不赦因奏罷中人監軍而專委高崇文凡兵進退黃裳自中指授無不切于機蜀平群臣賀憲宗曰黃裳曰卿之功

屈宋作衙官杜審言擢進士才高嘗語人曰吾文章當得屈宋作衙官吾筆當得王羲之北面武后召將用之令賦歡喜詩嘆重其文爲修文館直學士初審言病宋之問武平一省候答曰昔爲造化小兒相苦少與李嶠崔融蘇味道爲文章四友號崔李蘇杜

奏賦三篇杜甫字子美少貧李邕奇其才先往見之舉進士不中第因長安天寶十三歲玄宗朝獻太清宮饗廟及郊甫奏賦三篇帝奇之使待制集賢院數上賦頌高自稱道言先臣恕預以承儒守官十一世迨審言以

文章顯臣七歲屬辭且四十年衣不蓋體常寄食於人  
述作雖不足鼓吹六經至沈鬱頓挫隨時敏給楊雄枚  
臯可企及也有臣如此陛下其忍棄之肅宗拜右拾遺  
與李白齊名時號李杜並唐史

**鼠銜孝經疏**皇朝杜鎬少好學初應舉將試有鼠銜孝  
經疏置榻前鎬怪之取以熟誦果試題出其中遂與選  
鎬既博學又有記問兄為法官有毀其父之畫像為近  
親所訐疑不能決鎬曰僧道毀佛老像此可比也兄從  
之眾服其審

古

**筆公**古弼少忠謹善騎射初為獵郎門下奏事以敏正  
稱明元嘉其真而有用賜名曰筆後名弼言其有輔佐

才也累遷尚書令端謹慎密口不言禁中事弼頭尖太  
武常名之曰筆頭時人呼為筆公

魯

**逃隱海上**魯仲連齊人好奇偉倣儻之畫策而不肯仕  
宦任職好持高節新垣衍曰吾聞魯仲連先生齊國之  
高士也又曰吾乃今日知先生為天下之士也齊欲爵  
魯連魯連逃隱於海上曰吾與富貴而詘於人寧貧賤  
而輕世肆志焉史記

**三異**魯恭字仲康與弟丕俱居太學習魯詩拜中牟令  
專以德化為理政有三異後為司徒後漢史

**指困**魯肅字子敬周瑜嘗就肅求資糧肅家有兩困米  
各三千斛乃指一困與之肅少有肚節好為奇計一見

孫權便說拒曹公而論帝王之略雖在軍陣手不釋卷

出吳志

**西州豪族**魯芝字世英世有名德為西州豪族舉孝廉

除郎中并州刺史遷大鴻臚晉良吏傳

庾

**荆南杞梓**庾域字司大梁文帝為郢州辟為主簿嘆美

其才曰荆南杞梓其在斯乎仕梁至輔國將軍

**貞節處士**庾詵字彥寶經史百家無不該綜性託夷簡

特愛林泉謚貞處士並南史

**徐庾體**庾信博覽群書為文綺麗世號為徐庾體徐謂

後進競相模範仕周累遷散騎常侍聘于東魏文章辭

令盛為鄴下所稱北史文苑傳

祖

**誓清中原**祖逖字士稚輕財好俠慷慨有節尚散穀帛

以調貧乏有贊世才具中夜聞雞起舞為奮威將軍北

伐及渡江中流擊楫誓清中原晉史

**造指南車**祖冲之字文遠稽古有機思解褐授徐州參

軍明曆法解鍾律又特善筭嘗造指南車又造欹器又

造千里船等器南史

武

**隱嵩山**武平一名甄博學通春秋工文辭武后時畏禍

不敢與事隱嵩山屢詔不應

**真宰相器**武元衡舉進士德宗欽其才擢御史中丞嘗

對延英帝目送之曰是真宰相器元和二年拜門下侍

郎同平章事帝素知堅正有守眷禮異他宰相並唐史

尹

為虎穴尹賞以三輔高節選守長安為虎穴以大石覆其口收捕姦猾以次內其中百人為輩覆以大石數日一發視自相枕藉死三輔吏民甚畏之四子皆至郡守長子立為京兆尹皆尚威嚴有治辦名前漢史

儒學知名尹洙字師魯兄源字子漸與洙俱以儒學知

名舉進士范仲淹薦其材遂知懷州官至太常博士卒洙少舉進士為正平簿河南府戶曹邵武軍判官舉書判拔遷山南東道掌書記知伊陽縣王晦叔薦其材召試館閣校勘遷太子中允范仲淹貶饒州諫官御史不肯言洙上書言仲淹臣之師友願得與俱貶監唐州

稅復太子中允知河南縣尤為經畧使韓琦所深知

閔

南金薛兼同閔鴻等號五雋張華見之曰皆南金也晉史

錦繡萬花谷續集卷之三十

國

CC  
雜文

五

續

